



Yãmb a nebã, ad Wënd yaa yulgemde, la A ka reegd rënda yulgemde, la ad Wënd sagla síd-kõtbã ne bũmb ning A sën sagl tẽn-tuumbã

Yii a Abu Hurayrat nengë (Wënd yard be a yïnga) a yeelame: Wënd Tẽn-tuuma (Wënd puusg la A tulgr be a yïnga) yeelame: «Yãmb a nebã, ad Wënd yaa yulgemde, la A ka reegd rënda yulgemde, la ad Wënd sagla síd-kõtbã ne bũmb ning A sën sagl tẽn-tuumbã; n yeele: {Yãmb a Tẽn-tuumba! Rı-y rı-yılmã sën yaa halaal ruho, la y maan tuum-sõma, ad Mam mii yãmb sën maand bũmb ninsã wã}. [23. Al-muu'minuun (Sí-d-kõtbã suura): 52] la A yeele: {Yaa yãmb sën kõ-b síd! Rı-y bõn-yılmã Tõnd sën rılg yãmbã la y puus Wënd bark tı sã n yaa Yẽ la y tũudã} [2. Al-bakara (Naafã suura):172]. Rẽ poorẽ tı Nabiyaama tẽeg rao yelle, sor sën wogle, t'a zugã bure n puki, t'a zẽk a nus a yiibã n tug saasẽ wã n yetẽ: "m Soab A Wẽnde! Sõng-ma", la a rıtlã yaa haraam, a sën yeelgã yaa haraam, a bõn-yũudı wã yaa haraam, b leb n rılg-a-la ne haraam, b na n reega kos-kãngã wãn-wãna?»

[Naşun Şahuhun (Gom-sikdem sën manege)] [A Muslim n togs-a]

Nabiyaamã kõo kibare (Wënd puusg la A tulgr be a yïnga) tı ad Wënd yaa ylenga, n zãag boogr la zanga, n síf ne pidbu, A ka sakd tuum la goam la loese, rënda bũmb ning sën yaa yulgemde, n yaa Wënd yïng bala, n zems ne Nabiyaamã kãndgre (Wënd puusg la A tulgr be a yïnga), b ka sõmb n pẽneg Wënd rënda ne woto, la bũmb lıslaam tuum sõng sën yıud paoongo, yaa a rıtlã sën na n yı yulgemde, n yaa halaale, yaa ne woto la a tuumdã yıt yulgemde, la rẽ n kıt tı Wënd sagl síd-kõtbã ne bũmb ning A sën sagl ne tẽn-tuumbã; tı b ru yılmã la b maan tuum sõma, t'A yeele: {Yãmb a Tẽn-tuumba! Rı-y rı-yılmã sën yaa halaal ruho, la y maan tuum-sõma, ad Mam mii yãmb sën maand bũmb ninsã wã}. La A yeele: {Yaa yãmb sën kõ-b síd! Rı-y bõn-yılmã Tõnd sën rılg yãmbã}. Rẽ poorẽ tı Nabiyaamã bugsi (Wënd puusg la A tulgr be a yïnga) n yi haraamã ruho sën sãamd tuumã la a gıdgd tı b pa reegd-a wã, baa a sën nidg pãng tuumã reegr sabab-rãmb sën yaa yıngã; sën be b pugẽ: Rëenemã: so-toak woglgo, Wënd tũudum wẽengë, wala hagiimdu, la gıhaadı, la rogem tõkre, la zẽng sën ka rẽ. Yiib soaba: zugã zoobd burbo, b sën ka sãas-a wã yïnga, t'a kõbgã toeeme, t'a futã kõbg lebg tom, tı yẽ mengã lebg pakre tı weooge. Tãab soaba: a zẽkd a nus a yiibã n tug saasẽ wã ne kosgo. Naas soaba: n kot Wënd ne A Yuy wã, n pẽdgd woto puga: m Soab A Wẽnde, sõng-ma! La sën lagem ne kosgã reegr sabab-kãensã wã, b ka na n kelg-a ye; bala a rıtlã yaa haraam, a bõn-yũudmã yaa haraam, a sën yeelgã yaa haraam, b leb n rılg-a-la ne haraam, rënd reegrã zãrame ne síf-kãngã, b na n reega a kosgã wãn-wãna!?

النجاة الخيرية
ALNAJAT CHARITY

